



89
QUADRIGÆ
VIRO^RUM CLARISSIMORUM
DOCTISSIMORUMQUE
DN. JOHANN CHRISTIAN
SALICHIO,
MELSA-MISN.

DN. JOHANN GOTTLIEB
JOECHERO,
L I P S.

DN. GOTTLOB AUGUST
HEMPELIO,
PISSENA MARTISB.

DN. JOHANN HENRICH
FISCHERO,
GERA VARISCO,
PHILOSOPHIÆ BACCALAUREIS
AMICIS SUIS ÆSTUMATISSIMIS
SUMMOS

IN PHILOSOPHIA HONORES
NOMINE COLLEGII DISPUTATORII, QUOD OLIM
SUB PRÆSIDIO

VIRI EXCELLENTISSIMI atque AMPLISSIMI
DN. JO. GOTTLIEB HARDTII,
LOGICES & METAPH. PROF. PUBL.
PRÆCEPTORIS, CUM VIVERET FIDELISSIMI,
POST EJUS AUTEM FATA
PRÆSIDE

VIRO PLURIMUM REVERENDO
atque AMPLISSIMO,
DOMINO PHILIPPO OLEARIO,

LAT. ET GRÆC. LIT. PP.
FELICITER CONTINUATUR
GRATULARI VOLUIT DEBUI^TQUE
JO. FRIEDLIEB STUBELIUS. SS. Th. Stud.

LIPSIÆ, Literis IMMNAUELIS TITII.



VIRI

CLARISSIMI, NOBILISSIMI,
DOCTISSIMI, FAUTORES atque
AMICI ÆSTUMATISSIMI.



Um Vestris honoribus omnia ferè jam
præla sudent, & piis acclamantium fati-
gentur votis, nos solos calamis linguisque
capistratis quasi, silere velle, proximum
injuriæ foret facinus. Aliud potius
debetur nostræ amicitiaë, vestrisque Titulis: id scili-
cet, quod consuetudo recepta, legesque nostri Ord-
nis, tempore horum Solennium à nobis exigunt. Ego-
que imprimis, qui reliquorum defungor, apud Vos par-
tibus, & vestrà me amandi amplectendique maximà
&

& pertinacissimâ constantiâ mirum quantum delector, eò avidius arripio præsentissimam hanc, publicè vobis congratulandi applaudendiq; ansam, quo impatientiori moræ desiderio hæctenus præstolatus sum eandem, non diutius intercipiendam. Et nullus è nostris hominibus est, qui id suscipienti non annuat, omnique jure capitibus vestris impressos Magistrorum Galeros, lætetur. Fuimus huc usque indefessæ diligentiae vestrae quotidiani testes: quidni etiam præmiorum, quæ vos nunc post sudores ornant, simus æquisimi spectatores? Admirati sumus varias ingeniorum opes & raram eruditionis, quâ polletis copiam, cur gloriam & laudes his proprias Vobis quæso invidemus? Vidimus non parcam honorum facientes sementem, cur uberes eorundem proventus & opimam messem lævis intueamur oculis? Quis vos arceat à gloriæ fano, quos ipsa virtus exemit terræ filiis & tot specimina, quæ jam extant, dudum in censum illum transcripserunt, in quem hodie cooptamini? Quam dulce fuit, ut reliqua taceam, vel publicè, vel intra privatos etiam parietes videre. Vos pro aris & focis Veritatis, cui deæ paucissimi eheu! supplicant, strenua bella gerentes, in quibus acie ingenii, non ferri decernitur, & pugnam vobiscum ingredi, sed qualis esse solet amicorum dissentientium! Ibi opiniones, quarum errore duci vulgus solet, callidè elidere, ibi præjudicia, scopulos tot summorum Virorum naufragiis infames, dejicere, ibi cuniculos cuniculis, rationes rationibus opponere, pensi fuit. Alteri placuit Lycæi causis patrocinari; alteri Sceptrum Aristoteli eripere: Huic Stoico supercilio intumescere, illi rugas explanare: Alii cum Democriticis tripudiare Atomis: rursus alii dissipare easdem allubuit: Quibusdam Cartesians vorticibus circumagi: nonnullis simplicius philosophari: nulli vero cujuscumque autoritate fascinari. Sic protraxistis veritatem è puteo, cum alii vel edentulæ anus somnia
pro

pro oraculis venerentur, quæ si minatur cometa, si sol patitur deliquium, aut Luna obscuratur, extrema mundo instare queritur: sic justâ trutinâ examinastis, quæ aliis iniquâ lance appenduntur & probantur, sine examine, cum Magister instat: vae Tibi, si quicquam contra mustitaveris, clamitans: sic monstra edomastis, quibus vix Hercules suffecerit: sic morbos pepulistis, vix ullo Helleboro curabiles: & sic ad laudem exsurrexistis, quam in excelfo positam alii æmulabuntur & anhelabunt, assequentur paucissimi: Nil mutilum hic, aut mancum, absoluta omnia & perfecta. Nunc alacri & in offenso pede ad claritatem contenditis: nunc juga ferè tenetis: nunc Vobis cathedræ patent & munia. Jam Tuus Te, SALICHI, WEIDLINGIUS: Tuus, Te, JOECHERE, HOFMANNUS atq; GOLDNERUS: Idemq; Te, FISCHERE, Teque Tuæ juventæ formatores, HEMPELLI, quos sculpservnt, nostri Doctores verò quos expoliverunt perfecervntque, orbi ostentant Mercurios. Jam vident Optimi Parentes, quos generaverint Filios & sustentaverint: Jam Respublica Spes suas pene consummatas, lætatur & jubilat. Qui igitur fiat, Amici, ut temperemus nobis, quin plausus cumulemus plausibus & vobis istam sortem impense gratulemur? Nobis omnibus pulchrum est, è nostro hoc coetu, tanquam equo Trojano, prodire tot Heroas, seculum aliquando mirificè illustraturos, atque in partem vestri honoris venire gestimus, qui studiorum vestrorum comites fuimus atque focii, nil magis in votis habentes, quàm ut vobis brevi de novis dignitatum accessionibus gratandi detur nobis amplissima materies. Sic valete ergo, Deo, Musis, mihi, nobis, bonisque omnibus dilecta pectora, & sublevati tot benè ominantium votis, recto tramite ad certam gloriæ possessionem, & studiorum metam contendite. Lipsiæ V. Iduum
Febr. Ao. clō Iccc XIV.

78 M 496

ULB Halle 3
001 618 148



TA-506
KOP
B17





QUADRIGÆ
 VIROŖUM CLARISSIMORUM
 DOCTISSIMORUMQUE
 DN. JOHANN CHRISTIAN
 SALICHIO,
 MELSA-MISN.
 DN. JOHANN GOTTLIEB
 JOECHERO,
 LIPS.
 DN. GOTTLOB AUGUST
 HEMPELLO,
 PIS. S.B.
 DN. JOHANN NICH
 G. AUREIS
 PHILOS. AMIC. SIMIS
 IN PHIL. ONORES
 NOMINE CO. UOD OLIM
 VIRI EXCE. MPLISSIMI
 DN. JO. G. ARDTII,
 LOG. BEL.
 PRÆCEPT. IDELISSIMI,
 P. A.
 VIRO P. ENDO
 DOMINO. OLEARIO,
 FI. OUE
 JO. FRIED. SS. Th. Stud.
 LIP. ITIL

